

Bishita www.floraforyouaruba.com

y disfruta di workshop di Fernando Mansur na Flora!

Literatura pa tur mucha na Aruba: e buki di scucha

ORANJESTAD (AAN): Despues di e exitoso Festival di Buki di Mucha 2007, e campaña di lesamento ta sigui. Fundacion Papiamente den su tarea pa concientisa mayornan y educadornan ariba e importancia di lesamento, tambe ta encarga cu e Regalo di Festival di Buki – un publicacion di alta calidad cu ta worde regala cu cada compra di un buki di mucha na balor di 30 Florin.

E regalo aki ta obtenibel na e librerianan local: Samsom Bookstore y De Wit & Van Dorp Stores.

E Regalo di Festival di Buki cu a causa hopi comocion e aña aki, “Nano e enano – Misterionan di e Mond Perdí”, ta un coleccion di 5 aventura pa siña nos muchanan mas di e naturalesa di Aruba. E ta un publicacion di dos idioma den un: Papiamentu y Hulandes. Y banda di educa, concientisa y entrene nos muchanan, e ta un obra cu un balor adicional. Ta trata aki di un buki di scucha - na Hulanda e “luisterboek” – un buki cu ta inclui un CD cu tur e storianan conta. E



diferencia cu e ‘buki di scucha’ regular ta, cu e storianan di Nano e enano ta conta por medio di diferente bos y efectonan di zonido, locual cu nan ta yama “hoorspel” - comedia di radio.

E idea tras di e proyecto aki ta pa haci literatura mas accesibel, anto pa mas mucha cu ta posibel: e mucha cu no por lesa ainda, e mucha cu ta cuminsa lesa, e mucha cu tin problema cu lesa (dyslexia), pero tambe p.e. e mucha visualmente incapacita.

Durante e fin di aña aki, Fundacion Papiamente ta bishitando organizacionnan cu ta representa diferente grupo di mucha cu tin un necesidad special. Motibo di e campaña aki ta pa trece literatura mas cerca di mas mucha posibel. Un di e organizacion nan aki ta Fundacion Arubano di esnan Visualmente Incapacita (FAVI) cu ta dirigi su mes na e integracion di personanan cu un handicap visual den nos comunidad. Banda di un cantidad di actividadnan cu FAVI ta ofrece su clientenan, manera investigacion y conseho riba medionan auxiliar, training y guia educacional y social, yudansa practico. Tambe mester menciona cu e parti di concientisacion di e comunidad ta un tarea



importante cu FAVI ta dedica tempo y energia na dje. Mes importante ta e coleccion y adaptacion di material desea pa por lesa, manera e hacimento di letternan grandi, e ponemento di material den Braille of riba caset of CD.

Fundacion Papiamente durante su bishita na FAVI a duna un presentacion di e buki “Nano e enano” na e publico presente, cu tabata consisti di grandi y chikito, mustrandu na e forma aki cu literatura pa mucha no ta exclui ni hende grandi, tanten e mayornan (tambe esnan di edad) ta hoben di curason. E entusiasmo di e

publico a lanta e sospecha cu no ta solamente e muchanan lo saca probecho di e pakete di buki cu a keda atras. Fundacion Papiamente a haci entrega oficial na e clientenan di FAVI, representa pa señora Wilhelmiën Thiel y begeleidster señora Jennifer Margaretha.

Cu e introduccion di e buki special aki, Fundacion Papiamente ta spera di por ilustra e diversidad y posibilidatnan cu literatura en general tin di ofrece. Y specialmente si kier enfatisa riba nos muchanan, mester tene na cuenta cu cada un di nan ta unico riba su mes.

TELEFONNAN DI DIARIO
582-6747- FAX 582-8551